

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Volvntarivm Imperii Consortivm Inter Fridericvm
Avstriacvm Et Lvдовicvm Bavarvm Avgg.**

**Köhler, Johann David
Baumann, Johann Friedrich**

Altdorfii, 1733

IV.

[urn:nbn:de:bsz:31-130795](#)

*dextra ad sinistram, ut alias passim. Studiose conser-
vata est, et integra, atque hinc character patrius opti-
me legibilis, Sigilla pariter utriusque Principis illæsa
dependent. Inter sanæ mentis homines ergo
locum suum vix tuebuntur, qui dubitare am-
plius non desinunt ejusmodi Tabulas Augu-
stalis Concordiæ atque Unionis in primigenia
scriptura unquam extitisse.*

IV.

Cum Boici Propugnatores hujus Pactio-
nis Tabulis suum Instrumentum de Resigna-
tione Imperii facta à Friderico pro recupe-
randa sua libertate ex Archeio Ducali masculine
opponant, atque illas ex Austriacis sacris scri-
niis depromtas, atque à nobis recitatas, sibi-
que contrarias, pro fictitiis ac supposititiis ha-
beant, ex ordine rerum actarum, et gradibus
instauratae Concordiæ inter illos Imperatores,
in dissidiosa Electione A. 1314. proclamatos et
inauguratos, manifeste declarandum et ostendendum
est, bina iter illos Pacta fuisse com-
posita, quorum illud de Friderici Renuncia-
tione

II.) ex ordine
duorum pacto-
rum inter hos
duos Augustos,
observato, qui
tollit omnem
contradiccionem
inter Austriacos
et Boicos
Scriptores.

tione Augustæ Dignitatis fuit Tempore prius, alterum vero de assumto Friderico a Ludovico in Regni Societatem posterius extitit; Quo ordine observato utrique Pacto sua constat Veritas, suus servatur genuinus Honor, et penitus sublata est omnis altercandi materia.

V.

*Historia prioris
pacis Trausnitzia-
ni A. 1325. d. 13.
Marij de abdi-
cato a Friderico
Imperio.*

Nimirum cum Imperator Ludovicus secum cogitaret iracundiam Pontificis Romani à se graviter offensi, ejusque in suum caput parata Dirarum Fulmina inevitabilia, adhæc Septemvirorum Imperii, in primis Ecclesiasticorum, ad nutum Pontificis mutabilem animum dubiamque Fidem, et ante omnia Leopoldi Austriaci enixissimum studium pro Fratre Rege in libertatem vindicando, tanto cum periculo captivitatem Friderici, pro æmulo habiti, ulterius protrahere noluit, sed de eo dimittendo Consilium maturum cœpit, ita tamen, ut ipse solus retineret Dignitatem Imperiale, Fridericus vero eandem ejuraret. Suasore itaque impi-